

光緒山西通志

府州廳縣考三 考一之三 山西通志第一十五

賜進士出身頭品頂戴兵部侍郎兼都察院右副都御史巡撫山西提督糧務張煦奉旨監修

冀甯道三

澤州府 遼州 沁州 平定州

澤州府 中缺 銜繁

禹貢冀州之域春秋屬晉戰國屬韓後屬趙秦爲上黨郡高都縣地漢爲并州上黨郡高都泫氏陽阿三縣司隸河東郡獲澤端氏二縣地晉隸上黨平陽二郡慕容永析上黨置建興郡北魏眞君九年省和平五年復永安中罷郡置建州治高都城領高都長平安平泰甯四郡北齊仍爲建州廢泰甯領長平高都安平三郡後周建州領高平安平二郡隋開皇

初郡廢改建州爲澤州元和志作後周改領縣六大業初罷州置長

平郡治丹川縣唐武德元年改長平郡爲蓋州領高平丹川

陵川又置蓋城凡四縣又於渡澤縣置澤州領渡澤沁水端

氏三縣三年置建州治丹川縣新唐書析丹川置晉城縣隸

之六年州廢自高平徙蓋州治晉城縣八年徙澤州治端氏

九年省丹川蓋城貞觀元年廢蓋州自端氏縣徙澤州治晉

城天寶元年改澤州爲高平郡乾元元年復爲澤州領縣六

隸河東道爲上州會昌四年九月屬河陽節度五代屬昭義

節度宋澤州高平郡隸河東路爲上州領縣六金隸河東南

路爲上刺史領縣六天會六年以與北京澤州同加南字天

德三年復去南字隸平陽府貞祐四年隸潞州昭義軍後又

改隸孟州元光二年升爲節鎮軍曰忠昌元爲下州隸晉甯

改隸孟州元光二年升爲節鎮軍曰忠昌元爲下州隸晉甯

路領縣六中統元年置司候司至元三年省司候司入州省陵川縣入晉城端氏縣入沁水後復置陵川明洪武元年省晉城縣入澤州隸平陽府九年改直隸山西布政司領縣四國朝因之雍正六年升州爲府設倚郭鳳臺縣領縣凡五

鳳臺 高平 陽城 陵川 沁水

府城 唐貞觀初築明洪武間修十四年甃登宏治正德間相繼修葺周九里三十步高三丈五尺池深二丈東西南三門隆慶四年創築敵臺二十三敵樓二十三北城樓一重修角樓四東西南城樓各二萬厯三十三年崇禎十二年先後繕治

國朝康熙間知州景文魁加修乙亥地震樓堞圯毀四十四年知州陶自悅修復之五十八年知州佟國瓏倡捐重修各

樓及月城馬道並疏濬城濠咸豐元年鳳臺知縣李薌以歲久失修漸形傾圯興工補葺規制悉如其舊增建礮臺十三浚濠益令深廣越二年竣事

府境

在省治東南六百二十里

府志六百八十里

東西廣五百里南北袤二百二十里

東至河南衛輝府輝縣界二百四十里西至平陽府翼城

縣界二百二十里南至河南懷慶府河內縣界一百一十

里北至潞安府長子縣界一百三十五里東南到輝縣

界二百三十里西南到絳州垣曲縣界一百九十里東

北到潞安府壺關縣接河南彰德府林縣界一百三十里

西北到翼城縣界二百二十里自府治至

京師一千八百里

鳳臺縣

要缺  
街繁雜

漢高都縣兼陽阿侯國地隸上黨郡晉末慕容永置建興郡  
治陽阿縣北魏眞君九年廢郡和平五年復置治高都城永  
安中罷之置建州又於州置高都郡領高都陽阿二縣北齊  
建州領高都長平二郡後周併爲高平郡仍治高都縣隋開  
皇三年郡廢改建州爲澤州十八年改高都爲丹川縣大業  
初罷州置長平郡仍治之唐上武德元年移丹川於源澤水  
北屬蓋州三年又置建州治丹川於古高都城置晉城縣屬  
焉六年州廢徙蓋州治晉城九年省丹川入晉城貞觀元年  
廢蓋州徙澤州來治天佑二年更名丹川宋緊仍爲晉城縣  
金倚元下並爲澤州治明洪武初省晉城縣入州

國朝雍正六年設鳳臺縣於澤州府治編戶舊一百七十里

今一百五十四里

舊通志澤州爲晉東南要地秦曰上黨高都後魏曰建州後周曰高平隋曰澤州曰長平唐曰蓋州宋屬河東元屬平陽明爲澤州東界河南衛輝府輝縣南界河南懷慶府河內縣西界平陽府翼城縣北界潞安府長子縣隋唐以來雖頻徙郡州治而分割入他郡者殊少金以州隸昭義軍後改隸孟州而終復昭義其揆一也

謹案今府城卽秦漢上黨高都故城也其北魏高都及隋氏所改唐初所移之丹川縣皆當在城東三十五里之高都鎮間水經注丹水下云出上黨高都縣故城東北白水下云出高都縣故城西所言故城明是今之府城其絕水下云南流至高都縣右入丹水

亦明距今高都鎮爲近本書凡前代廢縣皆目爲故

城於北魏則直書某郡某縣此定例也

當道元時高都縣正屬建

興郡不冠以郡名者郡治在陽阿已見陽阿水下故不復舉若永安中所置之建州及高都郡則道元不

及見元和志隋改高都爲丹川以縣東有丹水故名矣

括地志高都故城今澤州舊唐書武德元年移丹川

縣於源澤水北貞觀元年於高都古城置晉城縣案

源澤水卽水經注之丹水俗謂之源源水者而前人

地志則皆以高平縣之泫水合長平諸水者爲丹水

今高都鎮正在丹水之東源澤之北其爲唐初所徙

之縣無疑而道元但云絕水至高都縣右入丹水不

詳其逕城東城西以元和志證之則縣城亦當在二

水間特唐縣在源澤之北而北魏縣在其南耳

今鎮南數



里別有新唐書言析丹川置晉城縣舊書則謂置於高都村古高都城正與括地志合志作於貞觀時當州新徙其時去北魏未遠因革之迹人人皆知故羣目今城爲秦漢故城新書刪易舊文致滋人惑而北魏之高都遂古於秦漢矣一統志已不辨通志府志並唐之蓋州晉城亦屬之彼縣志力駁之而持論無根膠牒益甚志謂北魏高都在今城既顯侯都注又謂周長平郡領建州隋改建州爲丹川五代丹川晉城二縣並置尤鑿空謬妄至若戰國之韓別有高都在洛陽卽蘇代說韓相國以與東周者後漢志河南尹新城縣有高都城是也方志競相援引亦誤

縣城

附郭

縣境

東西廣一百一十里南北袤一百四十里

東至陵川縣界王莽嶺七十里 西至陽城縣界周村鎮四十里陽城縣治九十里 南至河南懷慶河內縣界碗子城九十里河內縣治一百二十里 北至高平縣界界牌嶺五十里少東至高平縣治八十五里 東南到懷慶府修武縣界鐵礮山一百里修武縣治一百八十里 西南到懷慶府濟源縣界上河里一百里濟源縣治一百五十里 東北到高平縣界寨上村六十里到陵川縣治一百二十里 西北到沁水縣界岳神山四十里沁水縣治一百七十里

驛丞兼巡檢司在攔車鎮

鄉鎮

東北莒山鄉高都鎮

三十里

巴公鎮

三十里

水莊鎮

水

東鎮

渠頭鎮

七嶺鎮

十里

魯村鎮

郃村集

四十里

西莊集

水

四十里

狐嶺集

東南移風鄉柳樹口集

九十里

西北建興鄉

里

大陽鎮五十里東溝鎮葦町鎮西南五門鄉茶店鎮十里犁

牛鎮二十里周村鎮三十里攔車鎮六十里浪井集

驛站太行驛稍衝在城內西南六十里至高平縣喬村

驛南六十里至星軺驛見額馬十四匹馬夫五名遞運所夫三

十五名星軺驛稍衝在攔車鎮南五十里至河南河內縣

界見額馬十四匹馬夫五名遞運所夫十五名

舖遞總舖在城東路大臺三里七嶺十里王太二十里高都三十里

黨莊四十里又十里接西路岡頭五里西峰十五里石窰二十里

上町三十里河村四十里又五里北路孫村十五里新橋二十里

李村四十里界牌五十里南縣喬村舖南路茶園十里建聖十七里神

泉二十里甘泉三十里天井關四十里風門四十里攔車五十里三尖六十里

夾泉七十里又十里接河南河內縣長平鋪舊志有

望川楊家川金岡小箕草底牛店橫望諸舖今廢

道徑 東北經望火臺鋪五里孫村口新橋二鋪胥十里又  
經高都黨村二鋪胥十里又十里至陵川界峰頭鋪南經孟  
家店越九鋪胥十里又十里至河內界長平鋪西經岡頭鋪  
五里又越四鋪胥十里又十五里至陽城界北留鋪北經望  
火臺至李村鋪三十五里又經界牌嶺二十五里至高平界  
喬村驛胥孔道也而碗子城尤爲危險又南由星輶驛至小  
口子抵河內西梁鎮由柳樹口至河內清化鎮東北至陵川  
奪火店胥屬險徑

高平縣

中缺  
衛繫

戰國趙長平地漢泫氏縣屬上黨郡後漢建武六年封萬普  
爲侯國晉縣屬上黨郡北魏改爲元氏縣屬建興郡永安二  
年析泫氏置高平縣治高平城置長平郡治泫氏縣隸建州

北齊舊曰平高天保元年省元氏縣自長平高平城移平高縣治泫氏城仍改平高爲高平縣屬長平郡後周并長平高都爲高平郡縣仍屬焉隋初隸澤州開皇十六年析置陵川縣大業三年同隸長平郡唐上武德元年於縣置蓋州領高平丹川陵川又析置蓋城縣屬焉貞觀元年廢蓋州以縣屬澤州宋上元下明胥隸澤州

國朝雍正六年隸澤州府編戶舊一百六十一里今八十八里

舊通志高平辨今隸澤州之高平二漢晉爲泫氏縣屬上黨郡山海經所謂泫水所出是也北魏建州長平郡永安中置領縣二治元氏城時分元氏置高平高平之名見於晉者止此而地形志載四高平兗州高平郡卽

故梁國漢景帝分爲山陽國武帝改爲郡晉武帝更名  
領縣四有高平二漢屬山陽晉屬前漢棗也後漢章帝  
更名有洸水千秋城胡陸城齊城高平山承雀山伏羲  
廟東楚州高平郡治大徐城領縣四有高平乃武定七  
年改蕭衍東平陽平清河歸義四郡置也南建州高平  
郡領縣四有高平蓋魏因蕭衍所置治高平城也原州  
高平郡領縣四有高平蓋太延二年置鎮正光五年乃  
改置州并置郡縣治高平城也計其地或在山東或在  
江西或在江南徐州或在陝西固原均非漢之泣氏泣  
氏地又半屬陵川不可以不辨

謹案漢泣氏縣以泣水得名故地志特詳泣水源流  
曰楊谷泣水所出南至埜王入沁又證以應劭之言

云山海經泣水所出也於高都縣下則曰莞谷丹水  
所出東南入泣水泣氏北而高都南方位不易泣爲  
經流之水丹爲附入之水大小亦不易今本漢書作  
楊谷絕水所出明是傳寫之誤古系水相混如瀝澗亦作鑿澗多緣草書  
而酈道元注水經適據誤本遂以泣水爲絕水別指  
一無名之水以當泣水殊失名縣之義然漢志泣雖  
誤絕其高都下之丹水入泣水文不誤也道元並改  
爲入絕水而泣水隱矣後來地志又並道元之絕水  
亦名丹水而泣水愈隱矣至於今人則無不以丹水  
爲出高平並不知有高都之莞谷而丹水之正源亦  
隱矣蓋自北魏省泣爲元又改元氏爲高平隋更分  
高平置陵川遠取陵陽水爲名於是泣水前旣奪於

絕水後復混於洹水至唐改高都爲丹川而丹水遂以附入之小水冒經流之大川習俗相沿名稱遂定其輾轉滋誤非一日矣

縣城 宋開寶六年縣令楊咸弼建金天眷庚申縣令王廷直增築周四里高二丈五尺池深一丈門三東曰東作南曰南薰西曰西成明宏治七年修嘉靖十九年增敵樓四敵臺四十隆慶間增高厚五尺重修門樓萬厯間內外甃甃牆高三丈五尺女牆高三尺五寸延袤一千三百有三丈垛口一千八百有九上置更鋪五十二城樓四角樓四甕城三崇禎間增修三門建橋濬濠

國朝順治十三年知縣范繩祖補修外垣康熙四十四年知縣梅建增修女堞雍正六年知縣甘士瑛乾隆十年知縣周



宣徽又修咸豐二年知縣梁大鵬三年知縣毛鉞相繼修同治元年知縣單寶書加修三門及樓

縣境 在府北少東八十五里

東西廣九十里南北袤八十里

東至陵川縣界禮義村四十五里 西至沁水縣界王寨村

四十五里沁水縣治一百七十里縣志作二百里 南至鳳臺縣界

三家店三十五里少西至鳳臺縣治八十五里縣志作九十里 北

至潞安府長子縣界張店村府志作丹朱嶺四十五里長子縣治八

十五里縣志作九十里 東南到陵川縣界峰頭舖五十五里陵川

縣治九十里 西南到鳳臺縣界大陽鎮四十五里 東北

到潞安府長治縣界太乙村四十里長治縣治一百二十里

西北到沁水縣界秋峪嶺五十五里翼城縣治二百五十

里

鄉鎮

東北鄉徘徊鎮二十里

東南鄉米山鎮十五里建甯鎮

五十里

西北鄉寺莊鎮二十里

西南鄉河西鎮三十里野川

鎮二十里

驛站

長平驛稍衝在縣北三十里長平鎮北六十里至長

子縣漳澤驛南六十里至喬村驛見額馬十匹馬夫五名遞

運所夫三十五名 喬村驛稍衝在縣南三十里喬村南六

十里至鳳臺縣太行驛見額馬十匹馬夫五名

舖遞

總舖在縣治西 南路玉井里二十里南陳里二十里喬村里三十里又

十里按原縣界十里接長

北路臨丹里二十里西陽里二十里范店里三十里鴉兒溝四十里

子縣張店舖

道徑 東北經換馬村四十里又五里至長治界太乙村南

至鳳臺界三家店三十五里北至長子界張店舖四十里此孔道也東經朱莊村十五里又三十里至陵川界禮義村西由馬村鎮三十五里又十里至沁水界賈寨村此小徑也

陽城縣 簡缺

漢潞澤縣隸河東郡兼上黨郡陽阿侯國地後漢以潞澤封鄧鯉爲侯國晉隸平陽郡北魏興安二年自漢故城東移三十里建今治隸建興郡孝昌中又於故城置西潞澤縣隸秦甯郡永安中以潞澤隸安平郡與秦甯郡並屬建州北齊秦甯郡縣並廢縣隸安平至北周如故隋初隸澤州後隸長平郡唐武德元年於縣置澤州八年州徙治端氏貞觀元年徙治晉城縣仍隸焉天寶元年改名陽城天祐二年更名潞澤尋復爲陽城宋上屬澤州金元光二年升勣州元下仍爲

陽城縣與明並隸澤州

國朝因之雍正六年隸澤州府編戶舊九十九里今總爲十都凡七十八里

謹案水經沁水又南過陽阿縣東注謂逕陽阿縣西其故城在今鳳臺北五十里之大陽鎮而又謂陽泉水所逕之陽陵城爲漢陽阿縣其故城在今陽城西北四十五里之陽泉里與經文沁水過縣東合經作於三國魏時注成於後魏中葉似漢魏之縣皆治此至晉末置建興郡始移之沁東者特兩漢河東上黨以沁水爲大限曹魏分河東十縣置平陽郡端氏潁澤皆以沁西之縣收隸平陽非廢省也而經皆略而不書陽阿介二縣間又在其西上黨郡界何因斗辟

至此鄧氏以陽陵當陽阿而所證漢高帝七年封卞  
訢爲侯國史記漢表皆爲其石並無卞訢惟琴操有  
卞和獻玉於楚王封爲陵陽侯語明是記憶之誤牽  
合爲一至陽泉水乃今縣之蘆河入沁不入濩澤黑  
嶺水乃沁水縣之梅河亦入沁不入陽泉其水道且  
全謬其所逕之城又烏可據然陽阿縣不必在陽城  
而陽城實兼有陽阿地者仍以水經注證之據注引  
魏土地記云建興郡治陽阿縣郡西四十里有沁水  
南流又陽阿水下云水北出陽阿川南流經建興郡  
西又東南流逕午壁亭東而南入山西南流入沁水  
案陽阿城在鳳臺者二一卽縣北大陽鎮注謂之故  
城一在縣西桃岡嶺間今猶名建興鄉卽土地記西  
四十里有沁水者今案午壁在縣東七十里其北章訓潤城

二都諸村落全在沁東皆古陽阿地也縣志謂陽城得名由於陽泉譏舊志沿革不及陽阿之疏特泥古書之譌文不如據今縣之經界爲較確也

縣城 後魏興安初建周三里一百八十步高三丈池深一丈五尺東西南三門明景泰間於東西門建樓南復以屋並增敵臺九處嘉靖十九年易以甃堞萬厯五年伐石砌基城垣俱以甃甃高三丈五尺厚半之袤五百五十有九丈增敵樓十東北建樓崇禎間又於西北建樓東西各增甃城甃甃城北並建樓其上城西北岡爲邑治來脈居民取土漸致陟剝

國朝順治十六年知縣陳國珍修補之刻石垂戒雍正二年知縣彭景曾重修七年知縣吳紹祚加修三城門樓及內外

垣堞乾隆九年知縣謝廷瑜領款復修咸豐四年知縣董傳  
紳協士民捐資繕治規制一新

縣境 在府西八十里

東西廣一百里南北袤一百二十里

東至鳳臺縣界周村鎮四十里鳳臺縣治八十里 西至沁  
水縣界大峪溝六十里沁水縣治九十里 南至河南懷慶  
府濟源縣界韓王頭八十里濟源縣治一百二十里 北至  
沁水縣界郭壁鎮四十里少東至潞安府長子縣治一百二  
十里 東南到鳳臺縣界高會村四十里到濟源縣界窰子  
村一百里到懷慶府河內縣治二百里 西南到絳州垣曲  
縣界轟轟村七十里鼓鐘山一百里垣曲縣治一百五十里  
東北到高平縣界武安村三十五里高平縣治一百二十

里 西北到沁水縣界仙翁山四十里傳齊嶺七十里

澤州府同知駐東治鎮

鄉鎮 南鄉東治鎮四十里 東鄉潤城鎮二十里 郭峪鎮三十里

西鄉劉村鎮四十里 董封鎮五十里 固隆鎮五十里 臺頭鎮十二里

里

舖遞 總舖在城 東路下孔二十里 沁渡二十里 北留三十里 又

臺縣周 西路李邱二十里 陽邑二十里 友泉三十里 芹池四十里 泉秀

五十 大峪溝六十里 接沁水縣富店舖

道徑 東經後則腰下孔舖五里 沁渡舖十里 越沁水經

北留舖二十里 至鳳臺界周村舖胥坡道西經水磨頭李邱

村舖十里 王曲村陽邑舖胥五里 越營匠山至友泉舖十里

又越畫山至芹池舖十里 又經泉秀舖十里 呂家河大峪溝



鋪胥五里又十里至沁水界夫妻嶺此陽城孔道也東南至鳳臺界高會村四十里南至濟源界韓王頭八十里西南至垣曲界轟轟村七十里西北至沁水界仙翁山四十里北至沁水界郭壁里四十里東北至鳳臺界韋町村五十里此山界也東二十里潤城鎮越沁河至韋町村三十里爲小道

陵川縣

簡缺

漢沁氏縣地北魏永安二年析沁氏置高平縣隋開皇十六年又析高平置陵川縣隸澤州大業二年州罷隸長平郡唐中武德元年隸蓋州又析縣西南境置蓋城縣同屬焉貞觀元年隸澤州九年省蓋城宋中金並爲澤州屬縣元下至元二年省入晉城三十一年復置明隸澤州

國朝因之雍正六年隸澤州府編戶舊九十三里今二十四

里

謹案陵川分泣氏置其得名由陵陽水而實則誤洹水爲泣水又誤淇水爲陵陽水也水經洹水出上黨泣氏縣東過隆慮縣北淇水出河內隆慮縣西大號山地形志林慮縣有陵陽河東流爲洹方輿紀要洹水一名漸水出陵川又名陵陽河之數說者核以今縣水道鄭氏注文無一相合道元注洹水謂水出洹山山在長子縣今無可指實惟壺關縣玉峽關以北之水至林縣流合黃華山水始有陵陽水之名與陵川地界遠不相涉注淇水謂出沮洳山東北沾水注之則今陵川東北之漸水流合壺關五指河經林縣南境者也意水經本文當云淇水出上黨泣氏縣洹

水出河內隆慮縣寫者疑洹同洑互易其文道元作注不及詳核徒以洹在淇北長子正在洑氏之北依文比附略源詳委不爲實證隋氏置縣又不詳核習知洹水爲陵陽水而水經洹水適出洑氏縣旣於林慮分置淇陽遂取陵川之名加之此地移東就西竟成虛稱明人作志好逞臆說直以淇水之上源指爲陵陽之別派雖明地形如顧氏祖禹亦踵其謬殆卽所謂以山川定城邑而山川亦時爲城邑所牽混者乎 又案唐志武德元年於高平置蓋州領高平丹川陵川并析置蓋城縣以隸之九年省丹川蓋城入晉城詳其文義蓋城實析三縣地置後來省併當分還三縣獨舉晉城者省文耳不然則析自高平併入

晉城而晉城以一縣兼三縣地恐非事理鳳臺志蓋城在縣東北陵川志縣西南五十里有蓋城村是治所在陵川也 又案金志澤州貞祐四年隸潞州昭義軍後又改隸孟州據必蘭阿魯帶傳則州本隸昭義軍貞祐三年改隸孟州四年以必蘭阿魯帶之請復隸昭義志實疏略而府志於陵川更爲之說云貞祐四年屬上黨六年改屬孟州豈因上黨公張開嘗治縣之馬武寨特詳及歟然九公建府在興定四年非貞祐且貞祐止四年復改元興定安得有六年屬孟州事也

縣城 隋大業間建周二里二百三十二步高二丈三尺池深五尺東南北三門明嘉靖十二年修葺以甃石增高三丈

五尺二十二年重修建門樓三隆慶間增修萬厯間甄發環城內面門額東曰啟秀北曰拱辰南曰晉明

國朝康熙五十六年知縣蔣景楷補葺東南垣堞雍正二年知縣胡方騰乾隆四年知縣雷正二十二年知縣劉確先後繼修道光三年環城坍塌六十餘丈五年知縣強上林督士民協力修復

縣境 在府東北一百二十里

東西廣一百二十里南北袤一百一十里

縣志廣一百七十里

東至河南衛輝府輝縣界旱生村八十里 西至高平縣界韓村四十里高平縣治九十里 南至河南懷慶府修武縣界望仙樓九十里修武縣治一百四十里 北至潞安府壺關縣界馬鞍山村二十里壺關縣治九十里 東南到輝縣

界王莽嶺一百二十里輝縣治二百一十里 西南到鳳臺  
縣界黨莊里八十里鳳臺縣治一百二十里 東北到潞安  
府壺關縣界神郊村四十里到壺關縣接河南彰德府林縣  
界一百一十里林縣治一百七十里 西北到潞安府長治  
縣界西火鎮四十里長治縣治一百二十里長子縣治一百  
六十里

鄉鎮 北鄉平城鎮里十五 南鄉附城鎮里四十 路城鎮里二十

奪火鎮里七十 西鄉禮義鎮里三十 東鄉冶頭鎮里二十 西

南鄉南馬鎮里三十 西王鎮里六十 西北鄉池下鎮里三十 楊村

鎮里三十 義和鎮里三十

舖遞 總舖在南關外 西南路四堰里嘉鎮里二十 罐泉三

里附城里四十 梧桐里五十 西王里六十 峰頭里七十 鳳臺縣黨莊舖

道徑 東經腳兒頭馬圈村崇興鎮圪堵水共一百里至河南輝縣界早生村東南經上郊村八瀆嶺洪水村灣子村共一百一十里至輝縣界平田村南經張家莊老槐樹嶺鳳凰窰奪火鎮共九十里至修武界望仙樓西南經石子嶺小回嶺焦家嶺七十里至鳳臺界峰頭舖西經牛家川菜家坪禮義鎮四十里至高平界韓村西北經川子村池下村五十里至長治界觀火嶺北經卽士岡北爐河二十里至壺關界馬鞍山東北由楊塞村至北趙村共二十里至壺關界神郊村胥山徑也

沁水縣 簡缺

春秋晉端氏地漢置端氏縣於古城西北三十里隸河東郡武帝以封代共王子忠爲侯國後漢世祖亦封族子遵於此

其沁水縣隸河內郡非今縣境歷代不改晉端氏隸平陽郡  
北魏眞君七年省端氏太和二十年復置又置安平郡治焉  
孝昌中分端氏置泰甯郡及所領之東永安西河西渡澤高  
延四縣北齊廢泰甯郡縣亦多省改曰永甯其時河內郡之  
沁水縣亦省入軹縣隋開皇三年徙端氏於古城今端氏鎮  
也十八年併永甯於東永安改爲沁水縣卽今縣治也一統志  
今縣西三十里無唐中屬澤州武德八年徙澤州治端氏貞  
可指實燕從縣志觀元年又徙治晉城縣胥隸焉宋沁水中下端氏中隸澤州  
如故元下至元三年省端氏入沁水明因之仍隸澤州  
國朝因之雍正六年隸澤州府編戶舊五十四里今二十八  
里

水經注沁水又南與秦川水合水出巨峻山東西南逕端



氏縣故城東昔韓趙魏分晉遷晉君於端氏卽此是也其

水南流入於沁水案今端氏鎮在縣東九十里沁河東岸縣志三家遷晉皆處在縣東四十五里

之西城與注不合太平記端氏縣安平故城後魏於此立郡在

縣西北三十里卽漢理隋開皇三年廢故城移於今城案

城卽縣志之西城又案記於隋改沁水縣亦作問皇三年茲從隋志

府志今考舊沁水縣卽今懷慶濟源縣地秦爲軹縣晉

省軹縣入沁水縣屬河內郡北齊廢沁水復軹縣至隋

時始名濟源水經云又南出山過沁水縣北指今濟源

縣境也軹縣舊城在今濟源縣南十三里沁水舊城在

今濟源縣東北沁水南沁臺西漢置今呼爲王寨城

謹案沁水自兩漢迄魏晉並屬河內郡從不隸山西

界與上黨郡不相屬而二漢之獲澤卽今陽城在今

沁水南端氏在今沁水東並屬河東郡沁水乃踰二縣而南隸河內殊非犬牙相錯之制考水經沁水下云沁水南出山又西過沁水城北云云則沁水當在太行南平地故隸河內爲宜不隸上黨也今沁水在上黨其南爲陽城仍在萬山中山乃河內之濟源縣漢軹縣也以水經證之則漢晉之沁水實今濟源縣地故澤州府志斷以爲然也至今縣之設則當自北魏孝昌中置秦甯郡始秦秦甯隋志譌爲廣甯同時所置四縣有西澠澤大約割澠澤西北境爲之至隋開皇十八年併永甯於東永安又改爲沁水縣則爲今之沁水此沁水隸山西之始末也

縣城

隋開皇間建周二里一百步高二丈二尺池深一丈

東西北三門門各有樓東曰迎暉西曰納爽北曰拱辰明洪武正統景泰正德年間相繼重修嘉靖間增修甌堞城東臨河常患衝塌伐石爲隄患始息萬厯間重修崇禎間流寇攻毀署縣事州同張大爲修復並濬濠

國朝順治間知縣劉昌修知縣尙金章縣丞張宗周重修護隄康熙三十三年河復溢知縣趙鳳詔導河遠流自爲記雍正四年知縣錢元台十年知縣田欣相繼修治西北垣堞十三年知縣何陳宮築隄西南以障河水乾隆中屢修嘉慶二年大水知縣徐品山補築南北兩隄

縣境 在府西北一百八十里

東西廣一百八十五里南北袤一百一十里

縣志橫互二百餘里延袤六百

里餘

東至高平縣界空倉嶺一百四十里少北至高平縣治一百

七十里 西至平陽府翼城縣界關子山四十五里縣志至

里翼城縣治一百一十里 南至陽城縣界黃家嶺二十里

縣志界三十里 北至平陽府岳陽縣界沁河口九十里少西至岳

陽縣治一百九十里 東南到鳳臺縣界老母掌一百四十

里鳳臺縣治一百七十里 西南到絳州垣曲縣界舜王坪

一百里垣曲縣治二百五十里 東北到潞安府長子縣界

橫水村一百里長子縣治一百九十里 西北到平陽府浮

山縣界賀家嶺五十里浮山縣治一百二十里府志縣志西

北至東烏嶺

巡檢司在端氏鎮

鄉鎮 東鄉端氏鎮九里富店集十五里寶莊集一百里郭壁集

一百里

市莊集

百六

東倪集

百七

西鄉固鎮

三十

中村鎮

六十

里

北鄉王寨鎮

二十

郎壁集

六十

舖遞

總舖在城

東路石佛

里十

富店

二十

里又

十里接

西路蘇莊

里十

孔峪

二十

固鎮

三十

里通

平陽府

陽城縣

大峪溝舖

道徑

東由石佛舖李壁村至鄭莊越沁河端氏鎮一百三

十五里至高平界老馬嶺東南由端氏鎮經道仁村至鳳臺

界岳神山三十里南經傅店鎮夫妻嶺至陽城界辛家河三

十里西南經石堂村張馬村中村一百二十里至南川村抵

垣曲界西由杏峪村四十里至關子門抵翼城界西北經梅

峪溝青龍村王寨鎮四十里至東塢嶺北由青風嶺三十五

里至浮山界趙寨村東北由端氏鎮分道經固縣村一百三

十里至長子界秋峪嶺又東由清風嶺東經劉曲王壁村六

十

里至長子界秋峪嶺又東由清風嶺東經劉曲王壁村六

十

里至長子界秋峪嶺又東由清風嶺東經劉曲王壁村六

十

里至長子界秋峪嶺又東由清風嶺東經劉曲王壁村六

十

里至長子界秋峪嶺又東由清風嶺東經劉曲王壁村六

十

十里至岳陽界官亭村胥山徑

右澤州府

遼州

簡缺

禹貢冀州之域戰國趙韓陽地漢上黨涅氏縣地後漢於此

置陽阿縣屬上黨郡晉改爲韓陽縣屬樂平郡

元和志太平記並同北

魏眞君九年併入鄉縣隸鄉郡孝昌二年復置改遼陽隸樂

平郡北齊省隋開皇十年復置改遼山縣屬并州十六年析

樂平縣置遼州縣爲州治并置交漳縣大業初廢州并罷交

漳入焉屬太原郡唐武德三年析并州之樂平和順遼山石

艾四縣

舊書四縣中有平城無和順誤

置遼州治樂平縣六年徙治遼山以

廢榆州之榆社平城二縣來屬割石艾樂平二縣屬受州八

年改遼州爲箕州以山爲名先天元年以避諱改儀州以夷

儀嶺爲名天寶元年改樂平郡爲下郡遼山爲中縣領縣四

乾元元年復爲儀州中和三年八月復爲遼州

太平記梁開平三年以充

州管內有沂州改

遼州復爲遼州隸河東道宋隸河東路領縣四遼山爲下

縣熙甯七年州廢省平城和順二縣爲鎮入遼山縣隸平定軍省榆社縣爲鎮入威勝軍武鄉縣元豐八年復置遼州縣鎮並復來隸治遼山縣元祐元年復置榆社平城和順三縣隸河東路金爲中刺史領縣四天會六年以與東京遼州同名加南字天德三年復去南字隸河東南路遼山縣爲倚元爲下州隸晉甯路領縣三遼山爲下縣倚郭明省遼山縣入州領縣二直隸山西布政使司

國朝因之編戶舊二十七里今十一里領縣二

榆社縣 和順縣

謹案史記秦始皇十一年王翦攻趙閼與櫟陽正義引十三州志云櫟陽在上黨西北百八十里徐廣云屬并州櫟輜同字爲今州無疑水經注清漳水南逕櫟陽縣故城西南是也漢不立縣當併入涅氏而漢書功臣表櫟陽侯江喜下地屬清河考清河雖亦趙地而距此及閼與均四百餘里與當時秦趙用兵形勢不合且江喜之封在武帝太初二年而前此元鼎三年代王義已徙王清河一縣之中旣爲王國又參以侯封尤爲不合漢表所係郡縣雖史氏舊文恐未可據櫟陽故城在今州北二里元和志以爲後漢於此置陽阿與水經注不合姑並叙次以存古說

州城

唐武德三年因城北古遼陽城東近枯河移建於此



元明先後修葺周四里三十步高三丈厚一丈八尺池深八尺闊三丈門三東曰永清南曰陽和西曰長樂各有樓嘉靖閒以北城無門因築敵臺建樓於上以鎮之隆慶元年增修加高七尺厚二尺易堞以甃計一千三百有奇設角樓四敵臺二十五警舖二十四崇禎十六年又修

國朝康熙二十三年西南城垣爲漳水漂沒知州宋德芳楊天錫王景亮先後修復工皆不就雍正五年知州沈紹祖縮築六十餘丈始稍完整道光二十九年知州祥麟補修光緒五年知州陳棟又修

州境 在省治東南三百四十里

東西廣三百三十里南北袤一百七十里

東至河南彰德府武安縣界一百四十里 西至太原府太

谷縣界一百九十里 南至沁州武鄉縣界四十里 北至平定州樂平鄉界一百三十里 自州治至

京師一千三百里

本州境 東西廣一百六十五里南北袤八十五里

東至河南彰德府武安縣界白草坪村一百二十里少南至

武安縣治二百二十里 西至榆社縣界武鄉嶺四十五里

榆社縣治九十里 南至沁州武鄉縣界壘鐙村四十里少

東至潞安府黎城縣治一百八十里 州志東南至黎城縣二百一十里 北

至和順縣界石鼓嶺四十五里和順縣治九十里 東南到

黎城縣界安窰底一百里到彰德府涉縣治一百六十里

西南到黎城縣界雲頭底一百里到武鄉縣治一百五十里

到沁州治二百二十里 東北到直隸順德府邢臺縣界莊

岐嶺一百里邢臺縣治二百八十里縣志三百里西北到和順

縣界白巖村七十里

巡檢司在黃澤關十八盤

鄉鎮 東鄉栗城鎮四十里有營芹泉鎮三十里黃澤鎮四十里南

鄉銅峪鎮九十里

舖遞 總舖在城 西路王莊 西漳 雙喉咽 桃佛溝

口 蒿溝七十里接榆社縣界北路曹家寨 清河四十里接和順縣界西

南路魏家莊四十里舖上五十里接榆社縣界通武鄉縣

道徑 東經王家莊栗城鎮高家井村共一百二十里至黃

澤關越關又二十里至武安界白草坪村南經高莊村梁峪

村松樹坪村鍋窰嶺四十里抵武鄉界西經王莊舖石匣村

舖分道由小嶺底舖魏家莊舖四十里至武鄉嶺抵榆社

界又西由石匣鋪經川口村長城鎮四十里至和順界白巖村胥峻嶺深谷爲山險孔道也北經清河鋪韓平鎮至和順界窰底村亦名孔道與武鄉界墨鐙村路差坦平東由芹泉鎮分道經大南莊至武安界摩天嶺東南由松樹坪村分道經銅峪鎮至黎城界雲頭底東北由店街村分道經拐兒鎮至邢臺界莊岐嶺此山蹊小徑也而摩天嶺尤爲險峻

榆社縣

簡缺

漢上黨郡涅氏地晉於縣置武鄉縣北魏鄉縣隸鄉郡隋開皇十六年析鄉縣置榆社縣屬韓州因縣西北三十里榆社故城爲名大業三年仍廢入鄉縣隸上黨郡義甯元年復析鄉縣置榆社縣屬韓州唐中武德三年於榆社置榆州割并州之平城來屬又置偃武縣六年廢榆州及偃武縣以平城

榆社屬遼州宋

中下

熙甯七年省榆社爲鎮入威勝軍武鄉

縣元豐八年鎮還隸遼州元祐元年復置縣元

下

至元三年

省入遼山六年復置仍隸遼州至明不改

國朝因之編戶舊三十里今五里

舊通志案榆社與武鄉在漢同爲涅縣故地而在晉同名武鄉隋於武鄉析置榆社在宋同屬威勝軍卽今沁州是宋以前遼沁殆合爲一也

縣志偃武廢縣在縣南三十里今魏城鎮

縣城 上下二城壘石成壁居於高阜東爲上城明宣德間改建因高加築一丈厚一丈周二里許門三東曰望京南曰宣化西曰永熙城樓七正統十四年重修嘉靖五年議創西關城合抱如環隆慶五年卽城西築下城高二丈五尺厚一

丈周三里門三南曰帶漳西曰通晉北曰柔遠城樓五鋪所  
六池深五尺廣一丈每十垛設一更鋪

縣境 在州西九十里

東西廣一百五里南北袤八十五里

東至遼州界漳源鋪四十里至州治九十里 西至太原府  
祁縣界溫服嶺六十五里祁縣治一百四十五里 南至沁  
州武鄉縣界關壑五十里少西至武鄉縣治六十里 北至  
和順縣界雙峰三十五里 東南到武鄉縣界李道莊五十  
里 西南到武鄉縣界王箚村四十里 東北到和順縣界  
杏林里四十里和順縣治一百三十里 西北到太原府太  
谷縣界馬嶺關八十里太谷縣治一百四十里

鄉鎮

北鄉社城鎮

里二十

南鄉魏城鎮

里二十

東鄉溝堂

鎮三十里

西鄉雲簇鎮五里

舖遞

總舖在城

東路沿壁

里王景

里二十

暖水里三十

四十里又十里接遼州界

北路武源

里二十

紫寒里四十

老余

六十里又二十里接太谷

界西路雲簇

里三十

下赤

六十里又七十里至武鄉縣南關驛

道徑

東經東會村沿壁舖常家會王景舖暖水舖四十里

至遼州界漳源舖南經漳村台曲村常南村魏城鎮五十五

里至武鄉界狗腰關西經段家村桃楊村原村雲簇舖下赤

舖六十五里至祁縣界溫服嶺北經石占村武源舖面團村

關寨梓杆舖老余舖七十里至太谷界馬陵關胥山險孔道

也東經龐家莊白草角至和順界東南經梁家峪溝堂鎮屯

村至武鄉界西南經馬會村秋沼村至武鄉界西北經馬村

店太平莊至太谷界胥山曲小徑

和順縣 簡缺

春秋時晉大夫梁餘子養邑戰國屬趙爲閼與地漢上黨郡  
沾縣涅氏二縣地後漢爲涅縣之閼與聚晉沾縣地屬樂平  
郡北魏眞君九年罷郡屬太原郡孝昌二年復置樂平郡於  
此高齊仍還故治

詳見平定州

有梁榆城因分置梁榆縣

舊志云後周置

隋開皇十年改名和順十六年又於縣西九十里置平城縣  
亦屬太原郡唐

中

武德初和順平城胥爲中縣屬并州三年

析和順置義興縣改和順屬遼州改平城屬榆州六年又改

平城來屬省義興縣入和順焉宋

下

熙甯七年廢遼州省和

順并平城爲鎮入遼山縣隸平定軍元豐八年州復縣鎮復

來隸元祐元年復置和順縣爲下縣平城縣爲中縣隸遼州

金貞元二年廢平城縣爲儀城鎮貞祐四年復升儀城縣元



下至元三年省儀城入和順至明並爲遼州屬縣

國朝因之編戶舊二十二里今五里

方輿紀要梁榆城在縣西水經注榆水出梁榆城西盧諶  
征艱賦訪梁榆之虛郭乃閼與之舊都是也北齊因置梁  
榆縣

謹案水經注以漢高七年封馮解散爲侯國在閼與

據史記漢表皆作閼氏似閼與又名爲閼氏而徐廣

以爲在安定地理志安定有烏氏縣徐廣所見之本

或作閼氏也

後漢志作烏枝

烏閼同聲而經典皆讀閼爲遏

然閼與訓容暇貌爲疊韻字不得亦讀如遏也

漢書楊雄

傳窮亢閼與左傳公孫闕字子都義同

元和志閼與城今名烏蘇城字

異而音實同又單于謂妻爲閼氏習鑿齒以爲取義

於焉支蓋據爾雅太歲在甲曰閏逢史記作焉逢也  
然又安知焉非烏之譌文平今從徐廣說不以此地  
爲侯國其烏蘇城冀州圖云在銅鞮縣西北二十里  
元和志太平記並同今沁州西南二十里有烏蘇村今獨以閏與聚屬此不入  
之沁州者以去武安爲較近也

縣城 東北有古和順城遺址元至正十四年達魯花赤木  
不剌徙西南始建今城明洪武二年正統十四年重修周二  
里二百五十步高連垛口三丈七尺基厚二丈五尺頂厚一  
丈五尺垛口二百四十門三南曰康阜西曰寶凝北曰拱辰  
池深二丈五尺萬厯二年用甃砌垛十二年重修三門建角  
樓三敵臺十一更鋪一十有五

國朝順治十六年知縣李順昌重修三城樓甃西門甕城

康熙八年知縣鄧憲璋增修垣堞自爲記雍正六年知縣趙懋本又修

縣境 在州北九十里

東西廣一百九十里南北袤九十里

東至直隸順德府邢臺縣界黃榆嶺七十里邢臺縣治二百

三十里 西至太原府榆次縣界八賦嶺一百二十里

儀城鎮過八賦嶺出黑虎南至遼州界石鼓嶺四十五里

間經榆次至省三百餘里遼州治九十里 北至平定州樂平鄉界松子嶺四十五里

東南到邢臺縣界一百里 西南到太原府太谷縣治二

百二十里 東北到樂平鄉城九十里 西北到榆次縣治

二百四十里

巡檢司在儀城鎮

鄉鎮 東鄉松煙鎮五里馬嶺曲鎮五十里虎峪鎮六十里西

鄉儀城鎮九里橫嶺鎮八里馬防鎮一百里閭郊鎮一百一十里南

鄉寒湖鎮四十里

舖遞 南路南仁二十里石鼓嶺四十里又五 西路儀村二十里

里寒湖嶺四十里沙塔六十里橫嶺八里儀城九里後峪一百一十里

里接榆 北鄉陽李二十里松子嶺四十里又五里接

道徑 西經儀村上陽北關六十里又三十里至儀城鎮北

踰八賦嶺以達榆次之霍城東經東仁二十里又二十五里

至松煙鎮東出黃榆關以達直隸之邢臺爲東西孔道實要

隘也南踰石鼓嶺入州北踰松子嶺直通井陘道皆險仄雖

小徑亦衝途也

右遼州

沁州中缺  
街繁

禹貢冀州之域春秋晉地後爲羊舌赤食邑魯昭公二十八年始置銅鞮縣於銅鞮水南戰國屬韓又屬趙秦漢屬上黨郡兼穀遠涅氏二縣地晉仍爲上黨屬縣後趙於涅縣北置武鄉郡後魏延和二年置鄉郡銅鞮屬焉建義元年又析銅鞮置五原縣屬襄垣郡並隸并州其穀遠故縣別置義甯郡治沁源縣屬晉州隋開皇初郡並廢十八年始置沁州於沁源縣其時五原久省隋志襄垣郡後齊廢後周置韓州改故涅城之陽城縣爲甲水縣隸焉隋志銅鞮有舊涅縣後周改陽城案陽城後魏永安中改置與銅鞮並屬鄉郡見地形志  
隋志大業初罷州省甲水入銅鞮與沁源鄉縣並隸上黨郡義甯元年仍於沁源置義甯郡銅鞮屬唐武德元年義甯郡復改沁州銅鞮仍屬見寰宇記三年移縣治於觥水堡見舊唐志方輿紀要

水作汴仍析置甲水縣並隸韓州銅鞮隸韓州新唐書在九年

復省甲水縣移銅鞮縣於今州南四十里之故城貞觀十七

年廢韓州縣屬潞州永徽六年改屬沁州顯慶四年復改屬

潞州天寶元年改沁州爲陽城郡沁源爲邵治如故改潞州

爲上黨郡銅鞮武鄉並屬如故乾元元年郡復改州同隸於

河東道宋太平興國四年於銅鞮縣之亂柳石園中建威勝

軍視下州移銅鞮縣來爲軍治並領武鄉縣六年廢沁州以

沁源縣來屬寶元二年以大運監之絛上縣來屬凡領四縣

隸河東路金沁州中絛山郡天會六年升軍爲州元光二年

升爲節鎮軍曰義勝領縣四銅鞮縣爲倚隸河東南路元隸

晉甯路領縣三銅鞮爲下縣州治至元三年省錄事司入州

又省武鄉縣入焉後復立明洪武初省銅鞮縣入州領二縣

萬厯二十四年改屬汾州府三十二年仍直隸山西布政司  
國朝因之編戶舊二十二里今二十里領縣二

沁源縣 武鄉縣

舊通志沁州辨沁州爲晉銅鞮大夫羊舌赤邑銅鞮山  
在州城南又傳有舊宮遺址秦漢屬上黨郡沁源卽穀  
遠沁水自北魏置義甯郡郡治在縣隋廢復置後又改  
爲郡又析置和川縣唐稱陽城郡屬韓州改屬潞州又  
稱沁州武鄉卽涅氏石勒分上黨置武鄉郡魏罷復置  
領陽城襄垣鄉銅鞮四縣隋析榆社兼南垣州又改豐  
州唐屬韓州及潞州自涅城徙治於南亭川卽今治也  
兩縣在宋均屬威勝軍一名銅川神武軍是沁州所轄  
本與潞澤遼通自明分建州治領二縣沁源在州西界

平遙介休岳陽靈石武鄉在州東北由河南彰德府涉縣過潞安府達太原府祁縣尤爲南北要路隋唐間州治在沁故至今州以沁名其發源不在州治也

謹案今州自金以前皆爲銅鞮縣無沁州之名其故城一統志在州南四十里明志在州南十里皆目爲羊舌封邑臆水經注銅鞮水所逕之故城在水南山中今故縣鎮距縣四十里乃在水北已不甚合太平記銅鞮城在縣南十五里有晉別宮而元和志則云銅鞮宮在縣東十五里志據唐縣言記襲其文而改東爲南據宋縣言尤爲不合惟以兩書所言里至核之知唐武德九年所移之縣確在今故縣鎮志云石縣西三十里記作西南七十里又甲水城縣北七十里伯華墓縣南六十里皆據今州治言之其銅



鞬宮旣在故縣東十五里則直北距今州約得三十里舊唐書謂羊舌所邑在晉宮北二十里漢置銅鞬縣云云是州南十里之故城又不爲無據惟唐志本之上黨記其文具見後漢志注云晉別宮墟闕猶有北城去晉宮二十里羊舌所邑語殊詰屈以太平記證之則猶有乃猶存之譌竊疑北城當是此城之譌卽水經注之故城也其城旣在水南山中去唐故縣當五六里去銅鞬宮亦不過二十里如此則羊舌舊邑秦漢舊縣皆在今故縣鎮之南而州南十里之故城或北魏所置或卽唐初徙治之觥水堡又可推而知矣

地形志銅鞬有銅鞬城是北魏之縣非復漢晉之舊觥字書所無疑縣之譌

大抵北

魏以前銅鞬兼有襄垣沁源地北境則全在涅縣自

五原析縣屬之襄垣而南境不得有廐亭五嶺義甯  
置郡別爲四縣而西境不得越石梯銅川隋唐始拓  
其北境益以甲水直抵涅城於是亂柳石園遂爲適  
中之地宋之建軍於此亦形勢然也金源改州襲沁  
源之故稱殊乖名實然晉司馬孚與河內水利表云  
檢行沁水源出銅鞮山屈曲周迴水道九百餘里沁  
水出穀遠而謂出銅鞮者晉廢穀遠縣併入銅鞮縣  
也以此例之則沁水不經州地而沁源實州屬縣未  
始不可爲州得名沁備一說也

州城 元末築明洪武十一年增修周六里三十步高三丈  
二尺門二南曰銅鞮北曰龜山正統十六年重修嘉靖十九  
年漳水齧城兵備鄭重調澤潞夫工修築並砌石堤長百餘

丈護之建敵臺更樓各二十七三十九年創開西門題曰臨漳改南門曰迎和北門曰拱極崇禎十一年甄贊

國朝順治十六年知州程憲重修計城周九百六十三丈有奇南北城內外樓各一西城樓一角樓四舖舍六十七劉光蔚記康熙三年知州董爾性六年知州汪宗魯十七年知州楊茂英三十二年知州劉民瞻四十八年知州張兆麟五十一年知州張元標先後繕治雍正七年知州司馬灝文十一年知州葉士寬重砌護城石隄乾隆三年知州張秉綸重葺南門城樓十七年知州段汝舟領款重修佐以民力門樓垣堞以次繕完歷三年工竣

州境 在省治東南三百一十里

東西廣四百六十里南北袤六百八十里

東至潞安府黎城縣界一百八十里 西至霍州界二百一  
十里 南至潞安府襄垣縣界七十里 北至太原府太谷  
縣界二百三十里 東南到襄垣縣界八十里 西南到平  
陽府岳陽縣界一百七十里 東北到遼州榆社縣界八十  
里 西北到汾州府平遙縣界一百五十里 自州治至  
京師一千七百里

本州境 東西廣九十里南北袤一百一十里

東至武鄉縣界姜村三十里少南至潞安府黎城縣界一百

八十里州志東至武鄉縣五十里又東至遼州一百九十里 西至沁源縣界白狐窰

六十里 南至潞安府襄垣縣界司馬村七十里州志南至虎亭驛五十里

北至武鄉縣界涅河村四十里州志北至權店驛五十里 東南到

襄垣縣界八十里襄垣縣治一百二十里 西南到沁源縣

治一百二十里州志西南至屯留縣一百二十里東北到武鄉縣治六十

里州志東到遼州榆社縣治一百一十里西北到汾州府平

遙縣治二百一十里

鄉鎮 北鄉漳源鎮三十里交口鎮三十里西湯鎮六十里南鄉

故縣鎮四十里松交鎮三十里郭莊鎮舊有集今廢

驛站 沁陽驛稍衝在城內北六十里至武鄉縣權店驛南

六十里至襄垣縣原亭驛見額馬十匹馬夫五名

舖遞 總舖在城北路溫莊十里北河二十里故驛三十里毛道

溝四十里牛侍五十里走馬嶺六十里接武鄉縣權店驛南路長盛十里樊城

里二十里小王三十里接襄垣縣界東路廓莊十里長街二十里接武鄉縣

西路開村二十里後泉四十里又二十里接沁源縣界

道徑 東經姜村三十里至武鄉縣西由白狐窰六十里至

沁源縣小徑也南五十里至虎亭驛抵潞安府黎城縣一百八十里北至涅河村四十里又十里至權店達太原府孔道也

沁源縣

簡缺

春秋晉銅鞮縣地漢爲穀遠縣隸上黨郡莽曰穀近晉廢北魏建義元年始置沁源縣於孤遠城卽漢穀遠故治也立義甯郡領圍城義甯安澤沁源四縣以沁源爲郡治隋開皇三年郡廢縣隸晉州十六年始於縣置沁州又於北界置縣上縣屬介州而改南界之義甯縣爲和川縣來屬大業二年州廢又廢和川入縣隸上黨郡義甯元年復置義甯郡治縣仍析置和川縣與銅鞮縣並來屬唐爲中縣武德元年改郡復爲沁州二年又析置招遠縣三年省之割銅鞮縣別屬韓州

始以縣上縣來屬並和川凡領三縣天寶元年改州爲陽城

郡乾元元年復改沁州領縣如故

自北魏迄五代州郡屢更其治所皆在縣沁源之名

不宋太平興國六年廢州以縣隸威勝軍和川隸晉州縣上

爲中下縣隸大通監置東冶寶元二年亦自大通監來隸於

軍金元光二年十一月升沁源爲穀州縣上隸沁州如故元

仍名沁源爲下縣隸沁州至元十年省縣上縣入焉明萬厯

二十四年改屬汾州府三十二年仍屬沁州

國朝因之編戶舊五十二里今七里

縣城 卽漢穀遠縣址元時築城西據紫金山之半周二里

一百六十二步高一丈二尺東南北三門明正統十四年重

修嘉靖元年增修加高八尺厚五尺萬厯五年再加高一尺

建三門樓七年輒費全城周四百三十五丈連梁口高三丈

九尺下厚三丈五尺上厚一丈六尺建敵臺十五角樓三架  
樓十池深一丈五尺闊二丈崇禎四年增重門六年建圍牆  
國朝康熙二十八年知縣王容德重修北城及門樓三十八  
年知縣陳正樂重修南城雍正七年知縣王廷掄增登垣堞  
並三門樓

縣境 在州西少南一百二十里

東西廣一百五十里南北袤二百里

縣志廣一百五十五里

東至潞安府屯留縣界鵬窠嶺五十里至潞安府襄垣縣治  
一百五十里 西至霍州趙城縣界七里站一百里霍州治  
一百六十里 南至平陽府岳陽縣界義亭村五十里 北  
至汾州府平遙縣界太岩嶺介休縣界關頭嶺俱一百五十  
里少西至平遙縣介休縣治俱二百八十里 東南到屯留



縣界吳兒嶺五十里屯留縣治一百四十里 西南到岳陽

縣界石佛嶺四十五里岳陽縣治一百二十里 東北到沁

州界聖佛嶺塔六十里沁州治一百二十里 西北到霍州

靈石縣界牛鼻山一百三十五里靈石縣治一百八十里

鄉鎮 東鄉官軍鎮州 北鄉郭道鎮五十里 縣上鎮八十里 韓

洪鎮四十里 南鄉柏子鎮

舖遞 總舖在縣治前 東路石渠十交口三十里 狐白竊十五

里又十里 接沁州界

道徑 東北由石渠舖經官軍鎮三十里至沁州界聖佛嶺

六十里此孔道也東由有義村十里上灣莊二十里新莊村

四十五里至屯留縣界鵬窩嶺五十五里西南經中余村至

岳陽縣界石佛嶺四十五里北由小章村經郭道鎮縣上鎮

王陶村凡一百十里至平遙介休兩縣界太岩嶺關頭嶺此  
小徑也峻崖深谷胥屬山徑

武鄉縣 簡缺

漢涅氏縣隸上黨郡後漢爲涅縣晉仍之分置武鄉縣隸上

黨郡

元和志異  
襄平郡誤

石勒分沾涅二縣置武鄉郡後罷北魏延和

二年置鄉郡以鄉縣涅縣屬焉而郡治之鄉縣及以前之武

鄉皆在今榆社縣太和十五年移郡治於南亭川卽今縣也

貞君九年罷遼陽縣入  
鄉縣孝昌二年復置

其縣西六十里之涅縣永安中改曰

陽城後又置南垣州尋改豐州北齊改豐州爲戎州後周廢

隋開皇三年郡廢十六年分鄉縣置榆社縣十八年改陽城

爲甲水縣並屬潞州

太平記屬  
韓州誤

大業二年州改上黨郡廢榆

社入縣省甲水入銅鞮仍並屬焉義甯元年復析置榆社縣

屬韓州唐

中

初亦屬韓州貞觀十七年州廢屬潞州則天時

復加武字唐隆元年去武字爲鄉縣後又加武字宋上太平

興國二年改隸威勝軍熙甯七年廢遼州之榆社縣爲鎮人

爲元豐八年復舊金隸沁州元下至元三年省入銅鞮後復

置隸沁州明萬厯二十四年改隸汾州府三十二年復隸沁

州

國朝因之編戶舊三十里今十里

謹案漢涅氏縣兼有今武鄉榆社遼州全境及沁州

之半其治所在武鄉沁州界故城西五里有甲水城

西北二十里爲胡甲山蓋卽春秋赤狄甲氏故地也

晉始分其東北境置棘陽於今遼州置武鄉於今榆

社而古涅城爲涅縣自漢至北魏末始別易名太平

寰宇記太和十五年自古涅城移郡於武鄉郡之南  
亭川是爲武鄉治今縣之始然謂移自古涅城實謬  
據地形志鄉郡領陽城襄垣鄉銅鞮四縣陽城下云  
二漢晉曰涅永安中改有涅城鄉下云郡治有武鄉  
城榆社城涅城在今武鄉縣西六十里武鄉城在今  
榆社縣北二十里榆社城在今縣西北三十里並見  
太平記當時郡治鄉縣則記當云自故武鄉城移郡  
於南亭川若涅城自別爲縣在魏初未嘗置郡後來  
改陽城至隋又改甲水在魏末亦未嘗廢縣茲謂郡  
移自古涅城將所謂涅城安屬乎武鄉郡又安在乎  
乃其下復引冀州圖云今理卽古榆社城也是反以  
南亭川爲榆社矣尤爲矛盾然舊唐志已誤以鄉縣

涅縣爲一刊本又譌涅城爲垣城方志或據以立說

歧中之歧不可不辨

南垣州之名不可解亦當是涅字之譌初如俗本水經作垣又

譌水從土乃成垣矣惟南北乃分別之辭既無涅州安得有南涅或太和中改司州爲恒州茲與之同名故加南以別譌從心爲從土乎然後改之豐州與高齊改之戎州均不測其命名之由姑從蓋問可矣

縣城

後魏太和十五年自故鄉郡徙武鄉於南亭川卽今

治形如箕在鞞山麓南低北昂因岡築土周約三里許明景泰間拓西城正德九年加葺嘉靖十二年增拓北連石勒寨南面尙無城也二十一年因寇患始議興築城基以石周三里高丈餘工畢而寇至城賴以全隆慶三年加高五尺萬厯五年築石隄三十餘丈以障河水八年易女牆以甃十七年西南城圯加築護隄七十丈闢南門題曰南薰建樓於上鑄鐵牛鎮水東西門各一三十五年復築隄崇禎三年建北城

敵樓卽舊石勒寨爲土城易以甃堞建東西礮臺各二七年  
建西門月城十一年重建東城門十二年甃甃南門迄西半  
城又甃東半城

國朝順治十六年知州程憲重修護城石隄趙天麒記明末  
塞南門康熙二十六年知縣高鉉重開復建樓於上四十三  
年知縣祝兆麟修之門樓垣堞以次完繕五十八年知縣李  
援再修雍正三年知縣龔新八年知縣張憲齡相繼修乾隆  
二十五年北城圯知縣吳名琅修復三十一年北城樓圯知  
縣宋維修復嗣是累年補葺至三十七年張五典重建南城  
樓乃畢工云

縣境 在州東北六十里

東西廣二百五十里南北袤五十里

東至潞安府黎城縣界大界峽八十里至遼州界柏樹坪一百一十里至河南彰德府涉縣一百七十里 西至沁州界康宏村二十五里至汾州府平遙縣界上店山一百四十里平遙縣治二百里 南至潞安府襄垣縣界高嶺莊二十五里龍王堂三十里少東至襄垣縣治一百一十里縣志作九十里 北至遼州榆社縣界關壑口十五里方山村二十里榆社縣治六十里 東南至潞安府襄垣縣界南漳四十里到黎城縣治一百六十里 西南到沁州界姜村二十五里 東北到遼州界鍋窰嶺一百五里遼州治一百四十里 西北到權店驛七十里到太原府祁縣界南關北陰延一百二十里祁縣治二百一十里到平遙縣界暮峪頭一百三十里鄉鎮 西鄉段村鎮里故城鎮六十里石盤鎮七十南關鎮一百

二十里 東鄉大曲鎮十七里 攀龍鎮四十里 洪水鎮七十里 墨鏡鎮

一百四十里

驛站 南關驛稍衝 在南關鎮北六十里至祁縣盤陀驛南

五十里至權店驛見額馬十匹馬夫五名 權店驛稍衝在

縣西七十里南六十里至沁州沁陽驛見額馬十匹馬夫五

名遞運所夫三十五名

鋪遞 總鋪在縣治前 西北路段村十里馬牧二十里周家坡

三十里 故城五十里權店七十里勳歡八十里護甲一百里南關一百二十里接

界 祁縣 西南路聶村十里姜村二十五里接沁州界

道徑 東經李莊村長樂村胡鸞嶺越嶺經邢唐村攀龍鎮

石門村共六十八里至黎城縣界西經關河段村上城村康

宏村共六十二里至沁州界西北經民社莊故城鎮權店驛



由權店驛南至沁州界走馬嶺汾水嶺窰兒嶺南關鎮共一百三十里至平遙縣界胥孔道也段村西南西北二道胥屬險徑南由魏家窰二十里至襄垣縣界西由段村十二里至沁州界北經璞窰底莊十里至榆社縣界關壑口東北由攀龍鎮經襄浪莊石渠頭蘇峪馬堡莊墨鐙村一百十五里至遼州界山路崎嶇胥非坦途

右沁州

平定州

中缺  
衛繁

禹貢冀州之域商屬幽州周屬并州春秋爲白翟東山皋落氏仇猶各國地後爲晉有戰國屬趙漢爲太原上黨二郡地州境爲上艾縣隸太原郡兼上黨郡沾縣地後漢上艾屬常山國建安末置樂平縣晉初復置樂平郡領沾上艾壽陽轅

陽樂平五縣治沾縣北魏真君九年罷郡及上艾又併樂平

入沾隸太原郡孝昌二年復樂平郡於沾縣南之梁餘故城

閒置樂平縣治焉又復上艾改曰石艾並遼陽縣往屬領縣

凡三北齊還治沾城太平記孝明帝於今儀州和順縣重置

也輿地形志孝昌二年復樂平六年復石艾合惟孝明帝改

元至孝昌凡四祇二年無六年且樂平亦非復故地矣此記

詳隋開皇三年廢郡十六年置遼州又析置東山縣與石艾

並屬大業三年廢州及東山縣以石艾樂平與壽陽孟胥隸

太原郡唐武德三年復置遼州於樂平領樂平遼山平城石

艾四縣唐志平城當作和順別置受州於孟縣領孟壽陽二

縣六年遼州徙遼山移受州於今州西三十里養魚城太平記作

魚以樂平石艾二縣來屬貞觀八年州廢胥隸并州開元十

一年改并州爲太原府天寶元年改石艾爲廣陽縣以西南

八十里廣陽故城爲名也仍隸府與樂平同爲畿縣五代之末地屬北漢宋建隆四年於樂平置平晉軍太平興國二年於今州東南之廣陽砦置平定軍並屬鎮州四年河東平改廣陽縣爲平定縣徙平定軍來治仍改樂平爲縣屬焉隸河東路金隸河東北路大定二年升軍爲中刺史州領縣二平定縣爲倚興定二年爲防禦州十一月復降爲刺郡四年升樂平爲皋州元平定州隸冀甯路爲下州樂平仍爲縣至元二年與倚郭之平定縣並省入州立樂平鄉巡檢司七年復置樂平縣倚郭爲下縣州舊志元初開元帥府統泉和遼儀威孟邢晉等處至元二年遼儀和入平陽威入廣平孟隸太原邢入順德明平定州隸太原府樂平還舊治爲州屬縣

國朝因之雍正二年升州爲直隸州析太原府孟縣壽陽縣

隸焉嘉慶元年併樂平爲鄉入州編戶舊三十三里今二十一里樂平編戶舊十里今併爲七里入焉領縣二

壽陽縣 孟縣

曰知錄漢書地理志鉅鹿下曲陽應劭曰晉荀吳滅鼓今鼓聚昔陽亭是也水經注泚水東逕肥羸縣之故城南又東逕昔陽城南本鼓聚十三州志曰今其城昔陽亭是矣京相璠曰白狄之別也下曲陽有鼓聚其說皆同史記趙世家惠文王十六年廉頗將攻齊昔陽取之夫昔陽在鉅鹿故屬之齊豈得越太行而有樂平乎

案左傳杜注在估縣東元和志今名

夕陽縣蓋邑縣之謂曰者蓋不復叙入其東山泉落氏據上堂記水經注亦不在此以其國名始仍舊志立說

方輿紀要廣陽城州東南三十里五代時北漢置砦於此宋初取其地改屬鎮州太平興國二年建爲平定軍四年

移置平定縣志云漢上艾縣唐廣陽縣皆治此似誤又有廣陽古城志云在州西南八十里唐因以名縣今廢爲廣陽村

謹案太平記舊廣陽縣城在軍東南三里以元和志所言里至證之唐縣卽治此當是州之舊城而州志謂宋增築之下城在舊城之東北不甚合或樂史誤西南爲東南也宋志太平興國二年以鎮州廣陽砦建爲軍平定下注云唐廣陽縣太平興國四年改則軍建於二年徙於四年甚明而舊志乃云太祖乾德元年征河東首下之於石艾建平定軍又引宋志建軍廣陽砦云云是以石艾及故砦爲一地太祖太宗爲一事矣據宋史東漢世家王全斌攻樂平下其城

詔改爲平晉軍靜陽十八砦相率來降事在建隆四年八月明年始改元乾德未嘗北征所建之軍乃平晉非平定水經注桃水出上艾縣東流逕靖陽亭似石艾故城當在今州西北不得反在東南三十里閒也

州城 漢韓信擊趙下井陘築城爲寨以榆塞門因爲榆關卽今上城也有南北二門宋太平興國四年改廣陽爲平定軍徙治此卽舊城爲上城增築東北隅爲下城周九里二十六步有東西門東曰拱岱西曰瞻華門傍各有水門爲嘉水經流之衝山水驟漲濱河者咸患之元初修下城高一丈五尺厚九尺濬濠深淺有差明成化二十三年修宏治七年增修上城四角有樓十步有舖輒堞嘉靖二十年修上下城隆

慶二年久雨城圯重修

國朝康熙十七年知州張施大三十三年知州宗讓雍正八年知州安克寬先後重修上城乾隆三十年知州陶易領款大修上下二城凡垣堞門樓礮臺皆易舊爲新別開水門二以宣洩時潦五十三年知州金明源再修咸豐元年知州錫麟補葺西城並其門樓同治三年樓燬於火

樂平鄉城 本漢沾縣故城北齊時治於其東北隋開皇十六年增築周六里一百四十步高二丈舊無池門三東曰賓賓南曰東山西曰賓饒明正德十年增修嘉靖五年建三城樓二十年加建南門樓增濬濠塹立敵樓設弔橋以資守險隆慶元年萬厯十八年崇禎四年十一年先後興修增高築牆四丈

國朝順治二年知縣霍際昌四年知縣閻鶴昇相繼增修乾隆四年至四十七年屢修西門外有護井小城周圍一百五十三步

州境 在省治東少南二百七十里

東西廣二百七十里南北袤二百九十五里

東至直隸正定府井陘縣界九十五里 西至太原府榆次

縣界一百七十五里 南至遼州和順縣界八十五里 北

至代州五臺縣界二百一十里 東南到直隸正定府贊皇

縣界一百八十里 西南到太原府榆次縣界九十五里

東北到直隸正定府平山縣界二百三十里 西北到太原

府陽曲縣界二百一十里 自州治至

京師八百七十里



本州境 東西廣一百六十里南北表一百五十五里

東至直隸正定府井陘縣界固關三百里井陘縣治一百三

十里 西至壽陽縣界江橋六十里州志作七十五里壽陽縣治一

百里 南至遼州和順縣界松子嶺七十里至和順縣治一

百一十里 北至孟縣界牽牛村六十里 東南到正定府

贊皇縣界一百八十里 西南到壽陽縣界六十里縣志作西南到

榆次縣界東北到正定府平山縣治一百九十里 西北到孟

縣界四十里孟縣治一百里到陽曲縣治二百七十里縣志二百

六十里

樂平鄉在州治南五十里

州判駐鄉城

驛丞兼巡檢司在柏井鎮

鄉學訓導在鄉城

鄉鎮 東鄉柏井鎮五十里 岔口鎮八十 西鄉平潭鎮二十

南鄉松塔鎮八十 張莊集三十 北鄉河底鎮六十 白泉

集三十 樂平鄉東冶鎮五十 鄉南店上鎮鄉西五

驛站 平潭驛極衝 在東關舊在平潭鎮後移 西至孟縣芹

泉驛五十里東至柏井驛五十里見額馬七十七匹馬夫三

十八名半廠夫九十名 柏井驛極衝 在柏井鎮在樂平鄉

里舊為樂平縣借地所設 東至甘桃驛四十里見額馬七十

七匹馬夫三十八名半廠夫九十名 甘桃驛極衝 在固關

南東至直隸井陘縣陘山驛四十里見額馬八十五匹馬夫

四十二名半

舖遞 總舖在城 東路鳳居口八里 五里舖十六 楊家灣十二

六里小橋三十里石川會四十里又十五里南路鎖簧十五里又

三十里接樂平鄉之風火嶺西路腰鋪十里沙巷口二十里石下嘴三十里

淺水淤四十里安鋪五十里舊街六十里又十里接北路桃坡

二十里千畝坪四十里又二十里樂平鄉總鋪在鄉城東路五

里鋪火龍岡十五里大灣二十里舊關四十里又十里接南路杜

莊二十里又三十里北路風火嶺十里又三十里

道徑東二十里西郊鋪又三十里柏井驛地少平又三十

里槐樹鋪七里至新固關少北八里至舊固關為燕晉兩省

分界要害地三十里至直隸井陘核桃園西十里越南天門

道險仄又十里至舊平潭驛少平又三十里至測石驛又三

十里至壽陽芹泉村達京孔道強牛崎嶇東南一百四十里

一至白城口達贊皇一至厭谷口達元氏東北七十里至石

門口達平山東北九十里至娘子關口達平山胥山徑危道  
固關北十里達娘子關尤爲險隘南出樂平鄉東南經鳳居  
村庫城鎮圪塔店九十里又十里至邢臺界南經杜莊村三  
十里又十五里至和順界北經風火嶺十五里李家莊十里  
又五里至平定界此孔道也東經東野頭村四十里王得寨  
村五十里又三十里至贊皇界西經掌城村二十五里又三  
十里至和順界龍峪村又西經店尙鎮五十里胡幸村十二  
里又四十八里至壽陽界此小徑也

壽陽縣

中城  
衛第

春秋晉馬首邑魯昭公二十八年始爲縣漢榆次縣東境晉  
始置壽陽縣隸樂平郡北魏省入中都縣眞君九年徙壽陽  
民戶於大陵城南別置受陽縣隸太原郡其後爲文水縣非

今縣地孝昌之末徙朔州大安廣甯神武太平附化五郡寄  
治於此後亦廢隋開皇十年仍於晉之故壽陽城置受陽縣  
隸并州大業三年州罷隸太原郡唐繼武德三年屬受州六  
年自孟縣移州治於縣之東境卽今平定州西三十里之故  
受州城也二縣並屬貞觀八年州廢屬并州十一年始更名  
壽陽開元中升并州爲太原府仍屬焉宋次繼隸太原府金  
大定初以榆次地廣民衆割其東境三百五十餘戶入縣興  
定三年九月改隸平定州四年正月從晉陽公郭文振之請  
於縣北西張寨置晉州元初州廢仍爲壽陽縣下隸冀甯路  
明隸太原府

國朝因之雍正二年改隸平定州編戶舊三十里今二十四  
里

左傳韓固為馬首大夫杜注地闕一統志在壽陽縣南一案今縣南十五里有馬首村

魏書地形志朔州本漢五原郡延和二年置為鎮後改為

懷朔孝昌中改為州後陷今寄治并州界領郡五縣十三

大安郡縣二狄那捍殊廣甯郡縣二石門中川神武郡縣

二尖山殊頽太平郡縣三太平太清永甯附化郡縣四附

化恩澤五原案一統志後魏朔州諸郡在壽陽縣西北

界鎮在縣西北三十里有附馬城當是附化之謬此郡名之尚

存者又西北三十里有附馬城當是附化之謬此郡名之尚

五里亦寄治并州界疑魏志西北二州領大安神武二郡無

州郡也而一統志謂西夏州皆南見殆一為朔州郡一為夏

州非并州界矣又案縣志以縣西之燕竹為燕州云高齊

今置平州水經注有燕州今恆州東都所置後寄治軍幕在

壽陽無涉且云高齊所置亦為臆斷乃載氏東原於縣沿

其誤  
何耶

舊志壽陽辨壽陽在太原榆次之東魏地形志中都注  
有榆次城壽陽城受陽注晉屬樂平眞君九年罷樂平  
屬有大陵城文谷水隋書壽陽注開皇十年改州南受  
陽縣爲文水分州東故壽陽置壽陽有壽巖唐書孟注  
武德二年以孟受陽置受州壽陽注本受陽武德六年  
徙受州來治又以遼州之石艾樂平隸之貞觀八年州  
廢縣皆來治十一年更名有方山案今之文水卽魏之  
壽陽隋之壽陽非卽受陽也其州東故壽陽疑卽魏中  
都之壽陽城以地形別之當以在榆次者爲西壽陽以  
隸平定州者爲東壽陽云金興定二年九月割隸平定  
州四年以壽陽縣西張寨置晉州案此晉州與平陽之

晉州有辨

縣志元和志晉末山戎內侵後魏太武遷戎外出徙受陽之戶於大陵城南置受陽縣屬太原郡開皇十年改受陽爲文水又於受陽故城別置壽陽縣屬并州案晉本名壽陽魏隋皆作受陽此所云徙受陽之戶云受陽故城二受字當作壽 又云元和志武德三年置受州改屬焉貞觀八年廢受州縣屬并州貞觀十一年更名壽陽舊唐書於太原府云武德三年以孟壽陽置受州治孟縣樂平遼山平城石艾四縣置遼州治樂平於孟縣云武德三年置受州領孟受陽二縣六年移州治於壽陽貞觀八年省受州此二注甚分明於壽陽云武德三年屬遼州六年移受州於此領壽陽孟二縣其年又



割遼州之樂平石艾二縣來屬貞觀八年廢壽州此注  
屬遼州當作屬受州顧景范方輿紀要亦踵其誤又晉  
書地理志及魏地形志之中都下俱作壽陽而水經注  
則云按晉太康記樂平鄉有受陽縣盧諶征艱賦所謂  
歷受陽而總轡者也元和志云壽陽本漢榆次縣地西  
晉於此置受陽又似自晉至唐貞觀以前並名受陽殆  
因魏置大陵城南者本移縣名於彼隋復移魏受陽還  
之此道元魏人言甫唐人故其書併所稱引習於魏時  
之文不察歟或後人傳寫不知而肆改歟當以地形志  
一作壽陽城一作受陽爲斷新唐書於孟縣云武德三  
年以孟壽陽置受州於壽陽云本受陽貞觀十一年更  
名與元和志言更名符合是開皇十年至貞觀十一年

凡四十有八年之間名受陽不名壽陽也受州之名因此而稱州廢於縣名未更之前則州不得名壽州舊唐書不詳貞觀十一年更名一事前此概稱壽陽且受州壽州互出元和志孟縣下云武德三年割并州之孟壽陽二縣於此置壽州貞觀八年省壽州或皆轉寫致謬不然一書中不宜參差不治如此 又云舊志金大定初置晉州割榆次東境三百五十餘戶以隸之尋移治清源按晉州置於興定四年正月此作大定誤案晉州孟州皆晉陽公郭文振所請置時太原新復城邑殘破不守故依山寨為治至元光二年文振已徙兵孟州晉陽開府僅三年耳據元志隸晉州者只祁縣一縣舊志益以太谷又謂移治清源皆無考其割榆次三百餘戶則在大定初年志誤合前後事為一也

縣城

晉置縣始建城縣志云在壽水之陽故名元末因故

城重修周四里高二丈九尺池深一丈一尺門三東曰賓陽  
南曰恒陽西曰回陽嘉靖閒繕治三門修建樓櫓撤土陴以  
輒贅之隆慶元年置甕城三所角樓四敵臺十有一萬厯五  
年雨毀過半旋修復加築垣高四丈基厚三丈濬池深二丈  
五尺廣三丈

國朝乾隆四十八年知縣翟應咸重修道光二十三年知縣  
黃承祜王晉介相繼修

縣境 在州西一百里

東西廣一百三十里南北袤一百六十里

東至平定州界汗橋四十五里平定州治一百里 西至太

原府陽曲縣界罕山一百里陽曲縣治一百五十里

縣志一百七十一

里 南至遼州和順縣界中蘭村一百里 北至孟縣界館

頭村六十里少東至孟縣治九十里 東南到樂平鄉界司  
里村九十里樂平鄉城一百六十里 西南到太原府榆次  
縣界礪子平八十里榆次縣治一百二十里 東北到平定  
州界大樂寺五十里 西北到孟縣界瓦合鉢嶺三十五里  
驛丞兼巡檢司在太安鎮

鄉鎮 東鄉張淨鎮三十里 西鄉上峪鎮三十里 段王鎮四十里

胡家煙集八十里 南燕竹集二十里 南鄉羊頭崖鎮三十里 北

鄉解愁鎮四十里 東南鄉張韓河集三十里 西南鄉北河鎮

五十里 太安鎮五十里 遂城鎮七十里 西落鎮八十里 西北鄉平頭

鎮六十里 宗艾鎮二十里

驛站 太安驛 極衝 在太安鎮西至榆次縣王胡驛鳴謙驛

並七十里東至壽陽驛五十里見額馬七十七匹馬夫三十

八名半廠夫九十名 壽陽驛 極衝 在縣治東東至孟縣測

石驛五十里見額馬七十七匹馬夫三十八名半

舖遞 總舖在城 東路高家坡 五里 土陘 十五里 五里灣 二十里

又十里接本州舊街舖 西路教場 五里 青楊岔 十五里 韓家岔 二十里 韓家

梭 三十里 水泉 四十里 坡墩 五十里 雙墩 六十里 瓦子坪 七十五里 又

縣什貼舖 北路寺莊里 十里 山底 三十里 又 十里 接孟縣上社舖

道徑 東西胥孔道而芹泉驛坡王強坡要羅山路多崎嶇

北三十里西張寨西北五十里至黃嶺亦屬險道

孟縣 簡缺街

古召猶國及春秋晉之孟邑魯昭公二十八年始為縣召猶後為知瑤所滅戰國屬趙為原仇城漢為孟縣之東境及上艾縣北境胥隸太原郡晉隸太原國北魏為艾縣地隸并

州樂平郡其西百里有撫城在定襄縣別屬肆州永安郡隋  
開皇十六年分石艾置原仇縣隸并州大業初更名孟縣隸  
太原郡唐繼武德三年於縣置受州領孟受陽二縣又於撫  
城置烏河縣屬并州六年徙受州於受陽貞觀元年省烏河  
縣入孟縣仍隸受州八年州廢復隸并州宋次隸太原府  
金興定四年升孟州聽絳州元帥府節制尋復屬太原元孟  
州爲下州隸冀甯路明洪武二年仍爲孟縣隸太原府  
國朝因之雍正二年改隸平定州編戶舊二十三里今同  
日知錄春秋地名孟者有五僖公二十一年宋公楚子陳  
侯蔡侯鄭伯許男曹伯會於孟宋之孟也定公八年單子  
伐簡城劉子伐孟以定王室周之孟也十四年衛太子蒯  
瞞獻孟於齊衛之孟也而晉則有二孟昭公二十八年孟

丙爲孟大夫今太原孟縣哀公四年齊國夏伐晉取邢任  
樂部逆時陰人孟壺口此孟在邢洛之間

縣志仇猶許慎曰古翟國考智伯滅仇猶上距晉分邢  
氏邑之歲幾五十年今縣既有仇猶城而大孟城又在  
陽曲境何所據而信爲孟丙邑耶蓋秦以前孟與仇猶  
之境分漢以後孟與仇猶之境合史記秦莊襄王三年  
攻趙榆次新城狼孟取三十七城四年初置太原郡正  
義云卽上三十七城內邑縣城密邇狼孟其在三十七  
城之數無疑漢興置太原郡仍秦舊而所領縣僅二十  
一是秦之三十七城多所併省而仇猶遂入於孟旣不  
以仇猶置縣又不屬於孟爾時之縣城安在耶此漢孟  
縣兼二境之明驗也 志又云又嘗以今疆域度之自

縣治西南行百四十餘里達陽曲之黃鼠村繞北三十里卽大孟城所在是大孟城與縣接壤如以縣境皆仇猶地則當仇猶未滅孟丙關門之外遂無尺寸土耶此又丙邑錯入今縣境內之明驗也蓋孟置縣以來春秋之孟戰國之原仇參有其地邑之西南境皆孟丙邑其東北境乃原仇國以丙邑無與於仇猶可也以縣地無孟縣封土不可也

張淑譽孟仇猶辨仇猶國名見戰國策作召由卽今之孟縣是也縣治東北里許仇猶故城基尙在趙之所謂原仇城卽此按左傳頃公十二年韓宣子卒魏獻子爲政分祁氏之田爲七分羊舌氏之田爲三孟丙爲孟邑大夫此魯昭公二十八年事也疑此時晉國別有孟邑



非今之孟但未知邑治在何處舊志以今之孟爲孟丙之食邑因誤以孟丙卽仇猶亡國之主似誤又按史記通鑑綱目等書皆載荀瑤滅夙繇注曰翟國也戰國策作召由且曰初智伯欲滅夙繇而無道乃鑄大鐘方車二軌以遺之夙繇之君斬岸堙谷以迎鐘赤草蔓枝諫曰智伯貪而無信欲伐我而無道今師必隨之不聽赤草蔓枝曰爲人臣不忠貞罪也忠貞不用違身可也遂斷轂而行至齊而夙繇亡所載甚明舊志以孟丙爲仇猶之君以赤草蔓枝爲孟丙家臣亦誤按舊志趙滅仇猶置原仇城此今之孟縣無疑又云秦屬太原漢於原仇西百里置孟縣注云疑卽撫城縣或曰卽大孟縣未知孰是愚按此乃孟丙食邑之孟與仇猶無與又按舊

志云春秋時在太原府東北八十里置大孟城注云卽今黃鼠村然訪之乃在黃鼠之北三十里此乃戰國之孟孟丙所分或在是乎總於今之孟無與

謹案地形志定襄有撫城舊志北魏於縣西百里置撫城縣屬定襄郡又云唐改撫城縣爲烏河縣實本魏志然志並不以撫城爲縣其定襄本屬新興郡後改新興爲永安定襄爲郡治之縣亦不得直稱定襄郡也烏河縣僅見於新唐書孟縣下不詳建置之始舊志特因孟縣定襄壤地相接臆度爲撫城耳惟唐有烏城驛在太原府北見明統志當是貞觀時烏河縣廢後改置者烏城撫城語音相同或本一地但不得因烏城曾置縣而謂撫城亦爲故縣耳

縣城 本戰國時原仇城隋開皇十六年增築元至正二十四年重修周三里三十七步高二丈五尺厚一丈五尺池深二丈明嘉靖二十一年增高八尺厚五尺濠增深七尺門三東曰拱辰南曰南薰西曰鎮遠各建重樓增築東關外城周五里一百三十五步高二丈池深如之門四東曰朝天拱翠南曰迎秀西曰邊陲上亦各建樓萬厯三十三年重修國朝順治四年知縣趙明英修城濬濠康熙二十二年知縣孔興範增修城西北隅當香河之衝夏秋霖雨每多水患築隄捍之雍正七年知縣閻煊重修工費頗巨咸豐四年知縣康孔昭補葺樓堞及三門自爲記

縣境 在州西北一百里

東西廣二百五十里南北袤一百八十里

東至平定州界岔口一百里少北至直隸正定府平山縣界  
夏口七十里平山縣治二百里 西至太原府陽曲縣界兩  
嶺山一百二十里又一百二十里至陽曲縣治 南至壽陽  
縣界瓦合鉢嶺四十里少西至壽陽縣治九十里 北至代  
州五臺縣界牛道嶺一百二十里五臺縣治一百九十里  
東南到平定州界四十里又東到正定府井陘縣二百五十  
里 西南到陽曲縣界一百四十里 東北到平山縣界六  
嶺關六十里 西北到忻州定襄縣界胡桃關八十里定襄  
縣治一百八十里  
鄉鎮 東鄉牽牛鎮三十牛村集二十土塔集二十清城集  
里 二十里 仙人村集五十坡頭集四十莊頭集七十 西鄉西煙  
鎮七十方山集九十東梁村集七十凌井店集一百蔣村集

七里郭秋集九十里南鄉芹泉鎮七十里郭村集十五里管頭集

三十里北鄉上社鎮六十里下社鎮六十里葛池集二十里柴莊集

五十里侯莊集一百里

驛站 芹泉驛極衝縣南七十里測石村舊在壽陽縣東二十里芹泉村雍正

屬平定州一年移地西至壽陽縣壽陽驛五十里東至平定州平潭

驛五十里見額馬五十七匹馬夫二十八名半廠夫九十名

舖遞 總舖在城南路墾里十五里上社二十五里又十里接壽陽縣山底舖

東路清城二十里秦牛三十里又二十里西路管頭三十里接平定州下歇坪

西煙七十里道通陽曲及忻州

道徑 東由桃園至榆樹舖六十里又二十里至莊頭口道

通六嶺關由桃園稍北六十里至車輪口東踰十八盤皆入

直隸平山縣要徑也西經管頭三十里又三十里至西煙鎮

踰兩嶺山至陽曲界凡百二十里爲赴省間道北經長池鎮  
二十里又二十里至中社北出五臺東通直隸西道忻崞實  
四達之衝途也皆險隘東南四十里至犂牛鎮達州境西南  
經東社二十里至壽陽界可達會城亦山徑也

右平定州

以上冀甯道四府三州

山西通志卷二十五